

Anwar Triumphs dilancarkan hari ini

Mohammad Khairil Ashraf Mohd Khalid

khairil.ashraf@hmetro.com.my

Kuala Lumpur: Perjuangan reformasi Datuk Seri Anwar Ibrahim dalam dunia politik Malaysia dibukukan, hasil garapan penulis yang juga peguam jenayah Australia, Mark Trowell KC.

Buku berjudul *Anwar Triumphs* itu yang dilancarkan hari ini, turut menceritakan kejatuhan dramatik gabungan Pakatan Harapan (PH) dan gejolak politik selepas tindakan strategik dalam penguahan kuasa.

Selain itu, ia menggambarkan perjalanan luar biasa Anwar, yang ditandai dengan kemenangan dalam persaingan lama, pengkhianatan politik dan inisiatif berani untuk memperkuatkan negara.

Naratif itu mencapai kemuncaknya dengan sejarah Parlimen tergantung selepas Pilihan Raya Umum ke-15 (PRU15) serta kenaikannya ke jawatan Perdana Menteri Malaysia ke-10.

Trowell berkata, buku itu tidak hanya menggambarkan perjalanan Anwar menjadi Perdana Menteri, tetapi pencapaian gerakan reformasi.

"Pencapaian gerakan reformasi yang telah berjuang selama bertahun-tahun untuk mengatasi kerajaan autoritarian berkuasa lebih daripada 50 tahun. Kisah ini perlu diceritakan dan dikemaskini," katanya.

Trowell juga memberikan penghargaan kepada isteri Perdana Menteri, Datuk Seri Dr Wan Azizah Wan Ismail yang memainkan peranan penting dalam politik Malaysia.

Disiarkan pada: Oktober 29, 2023 @ 5:54pm